

۱۶۵۶

۱۶-۳

آبونه

سنه لك آلتی آباق
تورکیا ایچین ۴۰ غروش ۲۵ غروش
ممالك اجنبیه ایچین ۱۰ فرانق ۶ فرانق

نسخه سی ۵۰ یارمه

دوردنجی سنه

ایجتیهاد

مدیر مرخص

الرهامی صفا

اداره خانه

ایستانبول ، جفال اوغلنده دائره اجتهاد
Adresse: Idjtihad Constantinople

نومرو ۶۵ — ۹ مایس ۱۳۲۹

حریت فکریه یه خادم ، پنجشنبه کونلری چیقار ، اقتصادی ، اجتماعی ، ادبی مجموعه

خرستيان كنچلر جمعيتي

اساساً انكلترده تشكىل ايتدكدن صوكره ۱۸۵۱ سنه -
سندنبرو آمرىقاده توسيع دائره نفوذ ايدن ودها صوكره
شعباتي اوروپا نك ، آسيانك ، آفريقانك ، اوقيانوسيه نك جهات
مختلفه سنه يايلان بر جمعيت واردركه Young men's christian
associations ناميله معروفدر . تعقيب ايتديكي مقصد اخلاقي
وانساني وواصل اولق ايسته ديكي « غايه امل » كال بشريدن .
بواملك حصولي ايچون قوللاندني وسائط انسانلري بدئا و فكري
تقويه ايتك فقط انسانلري پهوان يايقي طريقيله دكل ، پهوانلري
انسان ايتك طرزنده برطاقم تدابيردر . مثلاً كوندوز جاليشق
مجبور بنده بولونان كنچلر ايچون بريجه مدرسه سسيدر .
اوجاقلرندن وعائله قوجاقلرندن اوزاقلشمش اولان انسانلر ايچون
برعائله اوجاغيدر . كنچلرك يالكنز كنديلريته دكل ، باشقه لرينده
مظاهرت ايتلرينه يارديم ايتك جمله مساعيسندندر . كنچلره دوست
پيدا ايتك و دوسته محتاج اولان آدملره عقدمودت ايتك مساعد
بر يردر . بو جمعيت بر اعتقاد سالك دكلدر ، فقط كليسالر
وكيللرينك قونترولنه تابعدر . جناسيتق خانه لري ، مطالعه او طه لري ،
حماملري اعضاسنه دائماً كشاده در . هر هانكي دين و مذهبه سالك
اولور لر سه اولسونلر بوتون كنچلرك استفاضه واستفاده سنه
مساعددز . بويولده شيميدى به قدر تأسيس ايدلش اولان
بر جوق جمعيتلر عدم موفقيته دوچار اولدني حالده بو جمعيت
ياشامش و عمره دار اولمشدر . بوكون آمرىقاده واقسام مختلفه
جهانده بو جمعيت سكرت برك متفرق محله بيوك بر موفقيتله
ايشله مكددر .

جمعيتك :

شمالي آمرىقاده	۲۱۹۸	شعبه سى
جنوبى »	۱۲	»
اوروپاده	۶۰۰۲	»
آسياده	۳۶۱	»
آفريقاده	۲۰	»
اوقيانوسيه ده	۱۹	»

جمعا ۸۶۱۲ شعبه سى موجوددر .

ديانك قرق مختلف مملكتنده ۹۷۱،۸۳۳ اعضاسى واردر .
شيميدى به قدر (۱۳۹۵) اداره خانه انشا ايتدرمش و بونلرك
مصارفي مجموعى ۷۵،۵۰۲،۱۳۱ دولاره بالغ اولمشدر .
بو جمعيت ياقينده ممالك عثمانيه ده دخي شعبه لر آچق واستقبال
ايچون قوى و منور بر ترك عرقى يتشدرمك عزمنده در كه بونك
ايچون ده انشا اولونه جق بنايه (۷۵۰۰۰) دولار صرفي مقرردر .

مهول نوري بك افنديك اتحاد اسلامى عبقري
استادك تقريصه منظومى آيورز . كتاب زانا كندي
كندينك مجسم مرع و تقريصير .

اديب الهام نصيب جلال نوري بك افندي به

سرور ايله او قودم - اتحاد اسلامى - .
دوشونديكم كي بولدم ، نه لازم اعلامى .
مهرام او وحدت مشروعه نك تأسيسى در
كه شمدى اوروپانك غايه توسوسى در .
نه شبهه ؟ اوندن اولور منبعث خصوصيتلر ! -
بيوك ، كوچك بزى تهديد ايدن حكومتلر ،
او اتحادى تصور قيلنجه رعشاندر . -
اگرچه شمدى او بر قوه پريشاندر ،
يارين فضاى شريعتده طويلانور البت ،
جهان كورور اوزمان برجهان ذى هيت ! -
او آنده خلقمزا كلار . بلا اقليت ،
ديانت اولديغنى بزجه محض مليت ؛
سياست اولديغنى ساحه شريعتده ؛
شريت اولديغنى رحله طبعيتده ؛
- صلبه ايتماك اوزره اعاده آلام ، -
خلافت اولديغنى رأس واحد اسلام !
ويزكه حضرت عيساي اوله مش بيلرز ،
اونك دخي اوزمان ساحه سنده يوكسليرز :
هلال سمت سمان ، ايدوبده رفع ظلام ،
ويرنجه ارض چلبيايه مشفقانه سلام ،
اوكون عدالتزدن بشر قالور خوشنود ؛
تمرد ايتسه حيلولتنده غرب عنود ! -
بيوك كتابكزى بن هان دكل تبريك ،
ديلردم ايتك اوتبريكه جمله يي تشريك .
نه در تعين ايدر چاره ؛ چاره علت ؛
اولنجه سوزلركز نقش خاطر ملت .
اوهب نقود حقايقدر ، ادخار ايدرز ؛
خزينه كزله تصدق و افتخار ايدرز .

عمرالحى همام ۲۷ نيسان ۱۹۱۳

[مطبعة خيريه و شركاسى] عبدالله جودن